

0.0.1 suppabuddhakuṭṭhisuttaṃ

1. evaṃ me suttaṃ: ekaṃ samayaṃ bhagavā rājagahe viharati veḷuvane kalandakanivāpe. tena kho pana samayena rājagahe suppabuddho nāma kuṭṭhi ahosi, manussadaḷiddo manussakapaṇo manussavarāko.

2. tena kho pana samayena bhagavā mahatīyā parisāya parivuto dhammaṃ desento nisinno hoti. addasā kho suppabuddho kuṭṭhi taṃ mahājanakāyaṃ dūra-tova sannipatitaṃ. disvānassa etadahosi: " nissaṃsayam kho ettha kiñci khādanīyaṃ vā bhojanīyaṃ vā bhājīyissati. yannūnāhaṃ yena so mahājanakāyo tenupasaṅkameyyaṃ. appevanāmettha kiñci khādanīyaṃ vā bhojanīyaṃ vā labheyyanti".

3. atha kho suppabuddho kuṭṭhi yena so mahājana-kāyo tenupasaṅkami. addasā kho suppabuddho kuṭṭhi bhagavantaṃ mahatīyā parisāya parivutaṃ dhammaṃ desentaṃ nisinnaṃ. disvānassa etadahosi: "na kho ettha kiñci khādanīyaṃ vā bhojanīyaṃ vā bhājīyati, samaṇo ayaṃ gotamo parisatiṃ dhammaṃ deseti. yannūnāhampi dhammaṃ suṇeyyanti. tattheva ekamantaṃ nisīdi. "ahampi dhammaṃ sossāmī"ti. atha kho bhagavā sabbāvantam parisam cetasā cetoparicca manasākāsi 'ko nu kho idha bhabbo dhammaṃ viññātuṃ?"ti.

4. addasā kho bhagavā suppabuddhaṃ kuṭṭhiṃ tassaṃ parisāyaṃ nisinnaṃ, disvānassa etadahosi: "ayaṃ kho idha bhabbo dhammaṃ viññātum"ti. suppabuddhaṃ kuṭṭhiṃ ārabha ānupubbikathaṃ kathesi. seyyathidaṃ? dānakathaṃ, sīlakathaṃ, saggakathaṃ, kāmānaṃ ādīnaṃ okāraṃ saṅkilesaṃ, nekkhamme ca ānisaṃsaṃ pakāsesi. yadā bhagavā aññāsi, suppabuddhaṃ kuṭṭhiṃ kallacittaṃ muducittaṃ vinīvaraṇacittaṃ udaggacittaṃ pasannacittaṃ. atha yā buddhānaṃ sāmukkaṃsikaṃ dhammadeśanā taṃ pakāsesi, dukkhaṃ samudayaṃ nirodhaṃ maggaṃ. seyyathāpi nāma suddhaṃ vatthaṃ apagatakālakāṃ sammadeva rajanaṃ patigaṇheyya. evameva suppabuddhassa kuṭṭhissa tasmīṃ yeva āsane virajaṃ vītamalaṃ dhammacakkhuṃ udapādi: 'yaṃ kiñci samudayadhammaṃ, sabbāṃ taṃ nirodhadhammanti. '

5. atha kho suppabuddho kuṭṭhi diṭṭhadhammo patatadhammo veditadhammo pariyogālhaddhammo tiṇṇavacikiccho vigatakaṭṭhākaṭṭho vesārajjappatto aparapaccayo satthusāsane, utthāyāsanaṃ yena bhagavā tenupasaṅkami. upasaṅkamitvā bhagavantaṃ abhivādetvā ekamantaṃ nisīdi. ekamantaṃ nisinno kho suppabuddho kuṭṭhi bhagavantaṃ etadavoca: "abhikkantaṃ bhante, abhikkantaṃ bhante, seyyathāpi bhante, nikkujjitaṃ vā ukkujjeyya, paṭicchannaṃ vā vivareyya, mūlhasa vā maggaṃ ācikkheyya, andhakāre vā telaṇṇaṃ dhāreyya cakkhumanta rūpāni dakkhanti"ti. evameva bhagavatā anekapariyāyena dhamme pakāsitā. esāhaṃ bhante bhagavantaṃ saraṇaṃ gacchāmi,

dhammañcabhikkhusaṅghaṇca. upāsakaṃ maṃ bhagavā dhāretu, ajjatagge paṇupetaṃ saraṇaṃ gata"nti.

6. atha kho suppubuddho kuṭṭhi bhagavatā dhammiyā kathāya sandassito, samādapito, samuttejito, sampahaṃsito, bhagavato bhāsitaṃ abhinanditvā anumoditvā uṭṭhāyāsanaṃ bhagavantaṃ abhivādetvā padakkhiṇaṃ katvā pakkāmi.

atha kho suppubuddhaṃ kuṭṭhiṃ acirapakkantaṃ¹ gāvī taruṇavacchā adhipātetvā jīvitā voropesi.

7. atha kho sambahulā bhikkhū yena bhagavā tenu-pasaṅkamaṃsu. upasaṅkamitvā bhagavantaṃ abhivādetvā ekamantaṃ nisīdiṃsu. ekamantaṃ nisinnā kho te bhikkhū bhagavantaṃ etadavocuṃ: "yo so bhante, suppubuddho nāma kuṭṭhi bhagavatā dhammiyā kathāya sandassito, samādapito, samuttejito, sampahaṃsito, so kālakato. tassa kā gati, ko abhisamparāyo"ti?

8. "paṇḍito bhikkhave, suppubuddho kuṭṭhi, pacca-pādi dhammassānudhammaṃ, na ca maṃ dhammādhikaraṇaṃ vihesesi. suppubuddho bhikkhave, kuṭṭhi tiṇṇaṃ saṃyojanānaṃ parikkhayā sotāpanno avinipātadhammo niyato sambodhiparāyano"ti.

bjt page 226

¹atha kho suppubuddhaṃ acirapakkantaṃ, si.

pts page 050

9. evaṃ vutte aññataro bhikkhū bhagavantam etada-
voca: "ko nu kho bhante, hetu, ko paccayo yena sup-
pabuddho kuṭṭhi ahosi, manussadaḷiddo manussaka-
paṇo manussavarāko?"ti.

10. "bhūtapubbam bhikkhave suppabuddho kuṭṭhi ima-
smiṃ yeva rājagahe seṭṭhiputto ahosi. so uyyānabhū-
miṃ niyyanto addasa tagarasikhiṃ paccekabuddham
nagaram piṇḍāya pavisantam, disvānassa etadahosi:
"kvāyam kuṭṭhi kuṭṭhicīvarena hi vicaratī"ti, niṭṭhubhi-
tvā apasabyato² karitvā pakkāmi. so tassa kammassa
vipākena bahūni vassāni bahūni vassasatāni bahūni
vassasahassāni bahūni vassasatasahassāni niraye pac-
citttha. tasseva kammassa vipākāvasesena imasmiṃ
yeva rājagahe kuṭṭhi ahosi, manussadaḷiddo manus-
sakapaṇo manussavarāko. so tathāgatappaveditam
dhammavinayam āgama saddham samādiyi, sīlam
samādiyi, sutam samādiyi, cāgam samādiyi, paññam
samādiyi. so tathāgatappaveditam dhammavinayam
āgama saddham samādiyitvā sīlam samādiyitvā su-
tam samādiyitvā cāgam samādiyitvā paññam samādi-
yitvā kāyassa bheda param maraṇā sugatiṃ saggaṃ
lokaṃ upapanno devānam tāvatimsānam sahaḃyatam.
so tattha aññe deve atirocati vaṇṇena ceva yasasā cāti.

11. atha kho bhagavā etamattham veditvā tāyam ve-
lāyam imaṃ udānam udānesi:

²apasabyāmato, syā. apasāda, dhammapadaṭṭha kathā - apasahavyatam =
ivetata nisisē?.

"cakkhumā visamāniva
vijjamāne parakkame,
paṇḍito jīvalokasmiṃ
pāpāni parivajjaye"ti.